

**UNIVERZITET U SARAJEVU  
POLJOPRIVREDNO-PREHRAMBENI FAKULTET**

Broj: 01-1-480-4/17

Sarajevo, 24.04.2017. godine

Na osnovu člana 69. Stav 2, člana 70. Stav 1, 4 i 6., i člana 100 Stav 3 Zakona o javnim nabavkama („Službeni glasnik BiH“ broj: 39/14), člana 95 Statuta Univerziteta, po provedenom postupku za pružanje usluga „Prevoz studenata na terenske vježbe“, dekan Fakulteta, donosi

**ODLUKU**

**o poništenju postupka nabavke**

**Član 1**

*Usvaja se žalba* „CENTROTRANS-EUROLINES“ d.d. Sarajevo izjavljena na odluku o izboru najpovoljnijeg ponuđača za pružanje usluga „Prevoz studenata na terenske vježbe“

*Poništava se postupak javne nabavke*, odnosno poništava se odluka o izboru najpovoljnijeg ponuđača za pružanje usluga „Prevoz studenata na terenske vježbe“ broj: 01-1-480-3/17 od 05.04.2017. godine, Zapisnik o pregledu i ocjeni ponuda broj 01-1-480-2/17 od 31.03.2017. godine i Obavještenje o nabavci broj: 1365-7-2-30-3-1/17.

**Član 2**

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

**Član 3**

Ova odluka objavit će se na web-stranici ugovornog organa ([www.ppf.unsa.ba](http://www.ppf.unsa.ba)) istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

**Član 4**

Ova odluka stupa na snagu danom donošenja.

**Obrazloženje**

Postupak javne nabavke pokrenut je Odlukom o pokretanju postupka javne nabavke broj: 01-1-469/17/17 od 14.03.2017. godine. Postupak javne nabavke proveden je putem konkurentskog zahtjeva za koji je objavljeno obavještenje o nabavci broj: 1365-7-2-30-3-1/17 na Portalu javnih nabavki dana 17.03.2017. godine.

Postupak javne nabavke provela je Komisija za javne nabavke imenovana Rješenjem dekana broj: 01-1-482/17 od 16.03.2017. godine.

Odlukom broj 01-1-480-3/17 od 05.04.2017. godine ugovorni organ je prihvatio preporuku Komisije za nabavke i ugovor za pružanje usluga „Prevoz studenata na terenske vježbe“ dodjelio „HARE“ d.o.o. Sarajevo za ukupnu cijenu od 12.648,80 KM bez PDV-a

Na navedenu odluku žalbu je izjavio „CENTROTRANS-EUROLINES“ d.d. Sarajevo koja je upućena putem preporučene pošte dana 14.04.2017. godine, a zaprimljena na protokolu ugovornog organa dana 18.04.2017. godine. Žalbu ulaže zbog bitnih povreda odredaba Zakona o javnim nabavkama, pogrešno i nepotpuno utvrđenog činjeničnog stanja i pogrešne primjene materijalnog prava. Navodi da izabrani ponuđač „Hare“ d.o.o. Sarajevo nije dostavio potvrdu da transakcijski račun nije bio u blokadi u periodu protekla tri mjeseca, drugorangirani ponuđač „Konjic-kb bus“ nije ovjerio ni jedan dokument ponude, a treće rangirani „Globtour“ d.o.o. Međugorje nije dostavio spisak ugovora za 2014. i 2015. godinu.

#### **Žalba je osnovana.**

Članom 68. Zakona o javnim nabavkama BiH („Službeni glasnik BiH“ broj 39/14) propisani su razlozi za odbacivanje ponude. Stavom 1. je propisano da Ugovorni organ odbacuje ponudu ako ponuđač nije dostavio tražene dokaze ili je dostavio nepotpune dokaze iz člana 45. do 51. Zakona. Stavom 4. istog člana takstativno su navedeni slučajevi kada je Ugovorni organ dužan odbaciti ponudu. Članom 69. stav 2. Zakon propisuje u kojim slučajevima je ugovorni organ obavezan poništiti postupak nabavke.

Član 9. Stav 7. Uputstva za pripremu modela tenderske dokumentacije i ponuda („Službeni glasnik BiH“ broj 90/14) propisuje „Ako ponuđač nije u sistemu poreza na dodanu vrijednost, u obrazcu za ponudu, na mjesto predviđeno za upis cijene ponude s porezom na dodanu vrijednost, upisuje se isti iznos kao što je upisan na mjestu predviđenom za upis cijene ponude bez poreza na dodanu vrijednost. Članom 14. stav 2. Uputstva propisano je da se cijena ponude piše brojevima i slovima. U slučaju neslaganja iznosa upisanih brojevima i slovima, prednost se daje iznosu upisanim slovima.

Ponovnim uvidom i detaljnim pregledom ponuda, ponude ponuđača HARE d.o.o. Sarajevo, KONJIC-KB-BUS d.o.o. Konjic, GLOBTOUR d.o.o. Međugorje i CENTROTRANS-EUROLINES d.d. Sarajevo nisu potpune i nisu prihvatljive za ugovorni organ iz slijedećih razloga:

Ponuđač HARE d.o.o. Sarajevo nije dostavio kopiju potvrde poslovne banke da transakcijski račun nije blokirao u periodu protekla tri mjeseca što je traženo tačkom 2.3.2 Tenderske dokumentacije, nije dostavio spisak izvršenih ugovora koji su u vezi s predmetnom nabavkom za period od posljednje tri godine (2014, 2015, 2016) što je traženo tačkom 2.4.2. Tenderske dokumentacije, a u obrazcu za ponudu i obrazcu za cijenu ponude, cijenu ponude nije napisao slovima kako to propisuje član 14. stav 2 Uputstva za pripremu modela tenderske dokumentacije i ponuda.

Ponuđač KONJIC-KB-BUS d.o.o. Konjic nije dostavio spisak izvršenih ugovora koji su u vezi s predmetnom nabavkom za period od posljednje tri godine (2014, 2015, 2016) što je traženo tačkom 2.4.2. Tenderske dokumentacije, u obrazcu za ponudu na mjesto predviđeno za upis cijene ponude sa porezom na dodanu vrijednost nije upisao cijenu ponude kako je to definisano članom 9. stav 7. Uputstva za pripremu modela tenderske dokumentacije i ponuda, te u obrazcu za ponudu i obrazcu za cijenu ponude, cijenu ponude nije napisao slovima kako to propisuje član 14. stav 2. Uputstva za pripremu modela tenderske dokumentacije i ponuda.

Navodi žalitelja Centrotrans-eurolines d.d. Sarajevo da ponuđač Konjic-kb bus nije ovjerio ni jedan dokument ponude ne stoji. Tenderskom dokumentacijom tačkom 2.2 i tačkom 2.3.2 je traženo da je ponuđač dužan dostaviti dokaze u običnoj kopiji. Izjave iz člana 45., 47., i 52 su ovjerene od strane ponuđača i nadležnog organa.

Ponuđač GLOBTOUR d.o.o. Međugorje nije dostavio spisak izvršenih ugovora koji su u vezi s predmetnom nabavkom za 2014. i 2015. godinu, kako je to traženo tačkom 2.4.2. Tenderske dokumentacije. Uvidom u dostavljeni spisak nesporno je da je ponuđač GLOBTOUR d.o.o. Međugorje za ispunjavanje uslova iz tačke 2.4.2. Tenderske dokumentacije dostavio spisak ugovora samo za 2016. godinu.

Ponuđač CENTROTRANS-EUROLINES d.d. Sarajevo u obrazcu za ponudu i obrazcu za cijenu ponude, cijenu ponude nije napisao slovima kako to propisuje član 14. stav 2. Uputstva za pripremu modela tenderske dokumentacije i ponuda.

Na osnovu gore navedenog imajući u vidu odredbu člana 68. stav 1. i 4. tačka i), člana 69. stav 2. i člana 100. stav 3. Zakona o javnim nabavkama BiH, te člana 9. stav 7. i člana 14. stav 2. Uputstva za pripremu modela tenderske dokumentacije i ponuda, odlučeno je kao u dispozitivu.



Dekan  
*[Handwritten signature]*

Prof. dr Zlatan Sarić

**PRAVNA POUKA:**

Protiv ove odluke može se izjaviti žalba u roku od 5 (pet) dana od dana prijema odluke.

**Dostaviti:**

- Centrotrans-eurolines d.d. Sarajevo
- Hare d.o.o. Sarajevo
- Globtour d.o.o. Međugorje
- Konjic-kb-bus d.o.o. Konjic
- Računovodstvo
- Uz tendersku dokumentaciju
- a/a